

北京府縣志輯

中國地方志集成

康熙宛平縣志

康熙延慶州志

光緒延慶州志

康熙懷柔縣新志

中國地方志集成

北京府縣志輯 ⑤

康熙宛平縣志

康熙延慶州志

光緒延慶州志

康熙懷柔縣新志

宛平縣志目錄

第一卷地理

分野

沿革

疆域

形勝

風俗

山川

古蹟

墳墓

宛平縣志

卷之一

一



順天府宛平縣志凡例

一縣舊無志統之於府志中以其附郭也適者

邑侯王公念其缺典慨然謀創造之以備稽考

會兩張公尹京兆檄修邑志王公乃禮聘秦等

分任其事且敦請

右中允兼翰林院編修紫來未先生以董其成

創始於康熙二十二年十二月中浣之吉告成

于康熙二十三年五月上浣之吉

一志雖外史而體例須嚴必摠以提綱詳以條目

隨事附入條目而以提綱貫之其綱有六曰地

宛平縣志

卷之一

二

理曰營建曰食貨曰政事曰人物曰藝文一遵

庚戌年重修府志時所定體例焉

一地理雖滄桑不變而營建則古今異宜博採羣

書覆按府志匪云該備咸有實徵

一食貨乃國計民生所係惟正之供代有不同獨

我

皇清欽頒賦役全書乃昭代之令甲也志一遵之

一政事為有司職掌歷來因革攸殊無暇備攷但

載今至至於官師中有政教茂異可稱循吏者

仍應呈請祀入名宦祠中

一人物必據紀載所傳鄉評所允然後敢入凡旌表已及自當大書其他無論大端一節亦必詳載之以闡幽光以彰獎勵若乃德感身存例不敢入應俟後人倫定

一藝文在外郡縣俱無

繪音兩縣為首善之地政化所先伏讀

皇謨有關縣政者恭錄卷首餘如古今名臣奏疏紳

士詩詞或人係本地則文不必拘或文關本地

則人亦不必拘也

一國史每類例皆有序郡邑之志亦然今仍之但

宛平縣志

卷之一

三

茲志也採輯未廣聞見未周語既猥鄙事或闕

遺如有增益其事潤色其文者敬俟之 博雅

君子

修志姓氏

順天府宛平縣知縣王養濂監修

順天府儒學教授邢吉士

順天府儒學訓導張調鼎

右春坊右中允兼翰林院編修朱漢雯鑒定

順天府舉人李開泰

順天府恩貢郝尚禮

順天府歲貢徐北斗

順天府儒學廩膳生張采

順天府儒學增學生陳國銳校正

宛平縣志

卷之一

四

宛平縣禮房王士源同輯

分野小叙

今夫天下之勢雖殊而理與氣實相為通其相通之際天地未嘗示人而即示以列星之進退隱見焉故某星見于某方其為吉為凶即以徵某地之休咎星家占之史冊著之班班可考也諸星且然則二十八宿之分海九州諒不可誣矣宛平為順天首邑地列艮寅之交古稱幽燕之域考之星紀箕尾二宿實式臨之雖諸家所說二宿之度數畧有不同然未有外二宿而別屬者蓋由于推步占驗古人皆確有灼見而云然也今志中首列分野夫亦地不敢先天以卑從尊之義哉

宛平縣志

卷之一

五



南斗十一度為析木於辰在寅燕之分野也當是中台之上下台之上又曰冀主非斗樞星又曰辰星主燕趙代三疆唐志亦曰尾箕析木津也初尾七度中箕五度終南斗八度應北平漁陽等郡夫天之高星之遠故非人得私臆窺測彷彿其形體然取諸家之說而考究之其分度之差雖有不同大約皆以析木尾箕為準或又以為

帝都之宿無容多喙至所屬諸邑散處殊方豈無更隸乎不知邑有沿革而象之在天者究不可易間嘗考霸之大城或以為昂畢之分昂畢西方宿也何以應在燕分邇大城古平舒也平舒昔為趙地趙之分星原是昂畢今以霸州隸順天謂大城屬昂畢從其始宿名之也何異焉雖然有其星則有其占有其占則有其驗使無占驗雖以析木尾箕為燕分亦徒觀其象而已何以信其必然也觀天象尾九星雨水旦中大暑立秋昏中九星如尾象故名尾近心一星為后

宛平縣志

卷之一

六

分野

我

朝定鼎於燕凡九州之分星莫不旋拱

神京非必如昔人列土分封各有限制也然陰陽

之精其本在地地有南下北而上發於天迺

為列星自是推步占驗之傳莫不按度分次而

考求之匪則失以毫厘訛以千里矣嘗考

帝都在艮維寅方上應列宿當屬析木之次尾箕

之分周天三百六十五度四分度之一約之為

二十八宿再約之為十二次次凡三十度析木

宛平縣志

卷之一

七

三十度正覆在燕分之上宿度多寡不等而尾

星實隸十九度箕星實隸十一度合之亦當三

十度故春秋元命苞曰尾箕散為幽州分為燕

國帝王世紀又曰自尾十度至斗十度百三十

五分終為析木之次於辰在寅所謂攝提格也

漢劉向亦曰燕地尾箕分野自尾四度至斗六

度謂析木之次爾雅曰析木謂之津釋者言屬

天漢之津梁為燕分也天文志云自尾十度至

妃次三星為三壠末二星為妾媵其占九星均

明大小相承則后宮叙而多子箕四星驚蟄旦

中處暑昏中四星如箕象故名箕箕有古象為

教容蓋箕以簸揚舌以表章又受物有去來之

義也其占明朗則無讒間凌祿災咎所從來矣

昂七星隸十一度處暑旦中立春昏中其占明

則訟獄平天下安畢八星隸十七度白露旦中

雨水昏中其占明大萬方來貢天下安以上諸

家由推步而定列宿之分准下土由占驗而決

推步之無謬皆有徵應非臆說也雖其間度數

之盈縮少有不同而照臨幽燕者大約不離箕

尾二星近是此天地之理相通而數之所以不

宛平縣志

卷之一

八

可外也幽燕今為

帝都順天府宛平祇附府之縣其分野與府為一

明矣但恐天道幽遠難知故備錄諸家之說以

俟參証以求不誣云爾

沿革小叙

粵自洪濛初分天開於子地闢於丑其為太輿
疑結深厚廣博歷億萬紀而不可移易莫如地
者矣胡為而又有沿革之可紀乎夫不可移易
者地之體其不得不沿革者歷代帝王君其地
者州之郡之國之制度之升降既殊廣狹亦別
隨時命名竟不相襲此地之因人改易勢使然
也三代以上無郡縣名自秦有天下始立郡縣
而後幽州又有漁陽上谷郡名漁陽所隸舊有
薊縣唐析薊之西鄙為幽都縣遼改宛平迄今

宛平縣志

卷之一

九

沿革

宛平之為縣也始於遼釋名曰燕宛取宛宛然
以平之義其在遼以前自秦至隋與大興同為
薊縣唐析薊之西界置幽都縣即顯瑣所都之
帝丘地也而薊始分為二邑矣相公至遼又改
幽都為宛平其名歷金元明不易

國朝亦因之按其疆域實在禹貢冀州大陸地中
舜析冀州東北界為幽州周武王封召公奭於
燕燕即在幽州境內秦并天下罷封建而郡縣
之遂以幽州為漁陽上谷地漢元鳳初改為廣

宛平縣志

卷之一

十

陽郡晉唐曰范陽至石晉時地入契丹陞為南
京幽都府復改為析津府號燕京宋宣和中金
得之以歸宋立為燕山府未幾入金稱燕京
復改燕京之名曰永安其府曰大興元至元初
建中都屬大都路復立順天路此順天得名之
初也明洪武改元設北平布政使司以大興府
為北平府稱省會馬永樂中遷都北平易府名
曰順天附郭者二邑東為大興西仍宛平之名
迄今不易縣治在

宮城地安門外迤西積慶坊

疆域小叙

秦并天下而郡縣之其後歷代損益不常至隋滅陳南北混一設縣最多唐又過之五代以還未能逾也今日之海內為直省者十四屬縣多寡不一總計之則千一百有餘耳夫古今之地非有增減也而縣有多寡之殊者雖分合不一顧其疆域之廣狹亦可知矣宛平與大興同一古之薊縣也自唐析薊之西鄙置幽都縣遼改宛平今仍之考其土宇西接雲中之蔚州廣昌界延長四百餘里然大率空山居多耳則是疆域雖廣土田無幾以其附京兆之郭也又焉得以財賦計之

宛平縣志

卷之一

十一

疆域

宛平分土東西約計二百六十五里南北約計一百八里編戶七十五里

正東至河北店距城七十五里接大興縣有牌界

正南至東胡林距城九十里接固安縣十里鋪

正西至洪水口距城一百九十里與麻水路高山為界

正北至清河距城十八里接昌平州界

東南至瓦各莊距城八十里接東安縣

西南至籬芭房距城四十里接良鄉房山縣

西北至石港口距城二百三十里與沿河水路高山為界

東北至窰子頭距城六十里接大興縣

宛平縣志

卷之一

十二

形勝小叙

宛之為邑也右弼

宸居南通遠路據守則有百仞金湯環衛則有萬方屏翰誠勝地矣况夫西北一帶水遶山旋可稱險阻但古之飛狐今之紫荆也南去二百里而遙居庸宣雲之咽喉也北去百里而近出此二關遠通沙漠其制勝之方要自有在惟此哀然土宇軍民稌居物產繁庶古所謂燕宛之地其氣內咸宛宛然以平者洵非虛美歟

形勝

宛平與大興同附都城之郭天文同也地輿同也則其諸凡宜無不同矣乃畫野分疆東西止爭一線而規模竟不相同何也蓋山水有無之別也按宛之為邑地列

皇居右脇千山拱護萬國朝宗山奧而深形勝如張圖畫土肥而行美利悉屬生成梁趙為之腹心神情踈越宣雲乃其肩背氣勢完全左遠遠走薊遼右輔近招并代輕前而軒後居重以馭輕千百年來建為

都邑誠有爵爵葱蔥之盛概矣即以比之蒲坂平陽豐鎬伊洛豈有讓焉

風俗小叙

王者之治天下也所先在教養養以裕其身家
教以成其德行所以上有教化而後下有風俗
風之厚薄由於教之純疵理勢然也古者天子
省方察民俗之貞淫以自審其立教之源焉而
後天下治亂安危由斯而決風俗所關顧不重
哉宛邑附麗

神京古平天下之大人所先治之國也故於每歲
中紀其士夫好尚男女知能因時而著襲俗而
行者雖顰笑服玩之微節序禮儀之大其間易

宛平縣志

卷之一

十五

醇為澆革薄從忠之處備述而詳載之以俟採
風君子流覽焉用以考一國之人情覘一時之
雅化云爾

風俗

漢史記貨殖傳云夫燕亦渤海間一都會也大與
趙氏代俗相類

隋志云自古言勇敢者皆出幽并然涿郡自前代
以來多文雅之士

地志云水甘土厚人多技藝

唐韓愈云燕趙多慷慨悲歌之士

杜牧云幽并之地其人沉摯多材力重許可

宋蘇軾云幽并之地自古號多豪傑名於圖史者

往往而是

宛平縣志

卷之一

十六

燕論云勁勇而沉靜

輿地記云人性寬舒

宋范鎮云風俗茂樸蹈禮義而服聲名

正月元旦五鼓時百官入朝行慶賀禮民間亦盛
服焚香禮天地祀祖考拜尊長及姍友投刺互

答曰拜年此戶放爆竹徹晝夜竿標燈樓揭以

松柏枝夜燃之曰點天燈市井男女以髻穿烏

紙畫綵為鬧蛾兒簪之立春前一日迎春於東郊

春場鼓吹旗幟前導次回家樂次勾芒神亭次

春牛臺引以耆老師儒縣正佐官而兩京兆列

春牛臺引以耆老師儒縣正佐官而兩京兆列

儀從其後次晨鞭土牛遵古送寒氣之意也
日五鼓具數小芒神土牛官生昇獻

大內諸宮曰進春八日至十六日商賈於市集燈
花百貨珠石羅綺古今異物貴賤雜選貿易日
燈市舊在東華門外燈市街今散置正陽門外
及花兒市菜市琉璃廠店諸處惟猪市口南為
盛元宵前後金吾禁弛賞燈夜飲火樹飲花星
橋鐵鎖殆古之遺風云民間擊太平鼓跳百索
耍月明和高男婦率於是夕結伴遊行親隣相
過從至城門下模釘兒過津梁曰走橋兒又曰

宛平縣志

卷之一

十七

走百病數日中有以詩詞隱語粘於屋壁令人
破其謎曰商燈至夜各家以小盞點燈徧散井
窰門戶砧石曰散燈十九集白雲觀彈射走馬
曰耍燕九二十五日大啖餅餌曰填倉

二月二日曰龍抬頭因薦韭之餘家各為葷素餅
餃以油烹而食之曰薰虫兒謂引龍以出且使
百虫伏藏也十五日曰花朝小青綴樹花信始
傳騷人韻士唱和以詩

三月三日風和景麗載酒出野臨流醉歌有古脩
禊遺風焉清明日男女簪柳出掃墓擔樽榼掛

紙錢拜者酹者哭者為墓除草添土者以紙錢
置墳巔既而趨芳樹擇園圃列生餽餘而後歸
二十八日東嶽誕辰太常寺致祭民間多結香
會盛陳鼓樂旗幟前導亦有裝小兒為故事名
臺閣者以彰祭祀之儀觀者夾路

四月一日至八日遊戒壇潭柘香山卧佛碧雲玉
泉天寧寺諸名勝為浴佛會也十日至十八日
遊高梁橋西頂草橋之中項弘仁橋里二泗髻
髻山為碧霞元君誕也

宛平縣志

卷之一

十八

榴花曰女兒節是日午具角黍漬菖蒲酒闔家
飲食之以雄黃塗耳鼻取避虫毒之義也天壇
牆下走馬為戲羣競觀馬金魚池草橋聚水潭
皆有樹蔭可作醜飲相望不絕十一日都城隍
誕太常寺預日致祭居民香火之盛不減於東
嶽之祀十三日進刀馬於闕帝廟刀以鐵重八
十斤馬以紙高二丈許鞅羈繡文銜轡金錯旗
鼓前導之

六月六日曬鑾駕民間衣物悉曝之三伏日洗象
鑾儀衛官以旗鼓迎象出宣武門浴響閤象次

第八河如蒼山之顏也額耳軒昂舒鼻噓吸水
面矯若蛟龍象奴挽索據脊時時出沒兩岸觀
者如堵浴未須臾象奴輒調御令起云浴久則
相雌雄相雌雄則狂是月海波蓮甚盛就蓮而
飲者採蓮而市於城者絡繹交錯焉

七月七日之午浮巧針婦女曝水日中水膜生投
以繡針則浮視水底針影巧則喜拙則嘆矣十
五日諸寺建盂蘭會是夜於水陸放燈以度鬼
祭掃如清明時

八月十五日祭月其祭用果餅剖瓜瓣錯如蓮花

宛平縣志

卷之一

十九

設月光紙向月而拜焚紙撒供散家人必遍

九月九日載酒具茶壚食棗尋園榭丘阜為娛曰

登高麪餅嵌棗栗為花糕父母家必迎女歸亦

曰女兒節

十月一日裁五色紙作男女衣曰寒衣修具祀其

先持楮錠焚之曰送寒衣新喪白紙為之或有

祀於墓者是月天始寒里中父老多捐資濟貧

轉相勸募就寺廟施粥施湯施綿衣

十一月冬至日百官朝賀畢退祀其先具刺互拜

如元旦儀俗畫梅一枝為瓣八十有一日染一瓣

瓣盡而九盡則春深矣

十二月八日先期鑿冰方數尺納罈中封如阜是
日循臘祭遺風以豆果雜未為粥供朝食曰臘
八粥二十四日祀竈與古禮祀於夏者不同三
十日懸先亡像染五色葦架藤花餽枝編竹罩
諸果以祀長幼畢拜詣諸尊長家拜之日辭歲
立桃符貼春聯門神掛錢挿芝蔴楷燃松枝於
庭薰蒼朮於室撒祀先之餘闔家飲食之曰守
歲爆竹聲達旦

婚禮古禮有六納采問名納吉納徵請期親迎朱

宛平縣志

卷之一

二十

子家禮止用納采納徵親迎以從簡要明丘濬

謂問名附於納采納吉親迎附於納徵六禮之

目自在焉鄉紳士民悉準行之納采曰行小茶

納徵曰行大茶納徵日夫家為新婦冠髻幣用

色繪以及釵釧羊酒羹果之屬貧富隨宜咸以

受財為恥間有競尚侈靡類多出於市井而敦

禮之家自不乏崇雅黜浮之風娶前一日女家

送粧娶之日鼓吹親迎行合卺禮次日廟見女

家設筵於婿家以示中饋之始新婦隨夫拜舅

姑闔門長幼各以禮相見宴親友日作三朝九

朝雙九對月乃擇日歸寧

喪禮歛稱家有無葬不逾時哀而不文猶稱近古疾革遷居正寢戒內外勿驚擾書遺言於帛撤去舊衣加新衣置新綿於口鼻間以驗氣絕曰屬纊既絕舉哀易服諸子披髮徒跣三日不食男女哭僻無數長子或長孫承重專奉饋奠曰喪主延親友一人專典賓客禮曰主賓延親友知禮者一人凡喪事皆聽其處分曰相禮治棺務從厚梓稱之訃告於親戚僚友乃受帛自初喪時孝子夜寢屍旁藉藁枕塊男女異處置靈

宛平縣志

卷之一

二十一

座奉養之具皆如生前設魂帛銘旌親戚之人皆入哭二日小斂絞布不掩面猶俟其生三日大斂子孫婦女及侍者共舉屍於棺實齒髮塞空缺乃召匠加蓋下釘憑棺而哭盡哀有服之人各服其服就喪位舉哀相弔營葬之費不憚竭力盡情盛設齋堂以候會葬者古禮既葬日中而虞今葬三日具祭墓所曰暖墓猶虞祭之遺也葬畢孝子踵諸弔者門拜謝其五服之制率皆奉文公家禮期而小祥再期而大祥大祥之後中月而禫雖至愚劣未敢踰禮惟是飯僧

誦經動費什佰貧家亦強為之

祭禮士大夫廟祀率如朱子家禮民間不敢立祠堂禮多簡樸清明祭於墓七月中旬祭於墓十月一日祭於家歲墓忌日俱祭于家

宛平縣志

卷之一

二十二

山川小叙

聞之積形成地其間高者為山下者為川所自
然矣有天下者固其形勢之大者為國都小者
為郡邑設官分治之上下相維遠近相屬而後
天下成臂指聯絡之形蓋郡邑既別則山川亦
隨其地之小大廣狹而分屬焉勢使然耳宛平
與大興雖同附京兆固有東西之別而山川遂
大不相侔城西三十里內外群山東向積翠浮
空盧水南流洪濤匝地坎水良山相會於中原
誠所謂終萬物始萬物之大規模矣

宛平縣志

卷之一

二十五

山川

景山

在

紫禁城北矗立崔魏宮城之鎮山也週遼以垣門

禁甚肅蓋

御駕遊幸之所士民不得入觀故其中景物無由

詳載

西山

城西三十里發脉太行拱護京邑層巒積翠疊

嶂環青梵宇琳宮何止千百春夏之交晴雲碧

宛平縣志

卷之一

二十四

樹花氣烏聲秋則亂葉飄丹冬則積雪歎素帶

里大觀莫是為最

香山

城西北三十里有二大石如香爐蝦蟆象水下

注亦名小清涼

玉泉山

城西北三十里有二石洞一在山西水水深莫

測一在山之陽有石崖刻玉泉二字

金山

城西三十里

盧師山

城西三十里隋沙門盧師能伏二龍

平坡山

城西三十里自香山析而東開兩股涉其上平

原百畝草樹在目春夏間晴雨初歇烟雲變幻

金碧萬狀元時建平坡寺明成化間憲宗行幸

見金剛面黑笑曰此似大裡金剛一夕火起而

金剛焚

覺山

城西三十里與盧師平坡鼎峙有三泉曰清冷

宛平縣志

卷之一

二十五

曰清旨曰薦至

棋盤山

城西三十餘里有棋盤石

五峰山

城西三十餘里五峰秀峙宛若列屏村民占雲

氣為雨候

韓家山

城西三十六里有漢韓延壽墓

雙泉山

城西四十里上有二泉

翠峰山

城西五十里

仰山

城西七十餘里

鳳凰山

城西南七十里其勢迴翔如鳳翥然

栢山

城西北青白口社山寺傍多產栢

潭柘山

城西八十里山磅礴連擁三峰傍有三潭潭上

宛平縣志

卷之一

二十六

有古栢一株

石窟崖

城西北百十里有石窟

菩薩崖

城西北百二十里有石佛

呂公巖

在玉泉山半巖僅丈許其深倍之相傳呂仙往

來處

分木嶺

城西四十里山勢廣濶諸水分而為二一入盧

溝一入房山

十八盤嶺

城西北八十里山縈迴十八折

青山嶺

城西一百餘里山谷幽邃下臨清泉

摘星嶺

城西二百餘里高聳雲霄僅通一徑

卧龍岡

城西北四十五里石堅白蜿蜒如卧龍明正統

間行幸於此

宛平縣志

卷之一

二十七

桃花峪

城西四十里介乎翠峰遮風二嶺間多花草

海子

縣西北三里名積水潭西北諸泉入都城滙於

此汪洋如海

西湖

城西三十里玉泉山下清泉澎湃潄而為湖十

里菰蒲一泓羅澗涼風鷺鶴明月芰荷山色水

聲令人神往

太湖

城西四十餘里廣袤十數畝二泉湧出經冬不

凍流洗馬溝

盧溝河

城西二十五里長橋卧虹洪濤吐鯨若疾雷奔

馬不可測識晚風明月一碧波尤奇致賞心能

無駐馬

清水河

城西百十里大臺村入潭河

百泉溪

城西南一十里麗澤關十餘穴泉滙而成溪人

宛平縣志

卷之一

二十八

柳林河

小溪

城西北二百餘里發源清水由桑峪青白口村

歸潭河

龍潭

盧師山潭廣丈許巨石覆之深不可測大青小

青二龍潛之出則雲氣隨之禱雨輒應立廟潭

上

玉淵潭

城西十里元人丁氏故池柳堤環抱風景蕭爽

沙禽水鳥翔集其間

燕家泊

城西北二十五里入丁家潭

義井

城西南二十五里

玉泉

城西三十里泉出螭口潺湲穿嶠中奔遯揚突

有驚濤倒峽勢鳴聲呶許下注石池浮藻子魚

清碧如鏡

桌錫泉

宛平縣志

卷之一

二十九

城西三十里碧雲寺後

洗馬溝

城西南四十五里流蒯南太湖漢光武非巡曾

洗馬於此

古蹟小叙

二氣迭運五行錯綜生人生物由斯而始其神
妙固莫可測度矣間且出其緒餘或鍾為木石
或結為丘阜化為池沼同居眾物之中而於眾
中自別好奇者標以美名採風者載之史乘四
海之廣九州之遙其遁跡於深山窮谷至今未
顯者固多而見於通都大邑者豈鮮少哉其間
不無少資人力搜討而表章之然其呈奇一旦
雖歷數千百年不與眾芳同朽則其不可磨滅
之菁華謂非二氣五行偏愛而獨厚之也不可

宛平縣志

卷之一

三十